

me dit-elle, que ie n'estois pas fage en ce temps la, & que ie ne fçauois pas que cela fust mal fait: mais depuis que i'ay prié, & que vous nous aués appris que cela estoit mauuais, ie ne l'ay plus fait.

Les premiers iours de l'année 1666. furent employées à presenter des estrennes bien agreables au petit Iesus; C'estoient plusieurs enfans, que les meres m'aportoient par vne inspiration de Dieu toute extraordinaire, afin de les baptifer. Ainsi se formoit petit à petit cette Eglise, & la voyant desia imbuë de nos mysteres, ie iugeay qu'il estoit [68] temps de transporter nostre petite Chapelle, au milieu du grand Bourg éloigné de nostre demeure, de trois quarts de lieuë, & composé de quarante cinq à cinquante grandes cabanes, de toutes nations, où il y a bien deux mille ames.

C'estoit iustement au temps de leurs grandes debauches, & ie peus dire en general, que i'ay veu dans cette Babylone, le parfait tableau du libertinage. Je ne laissois pas d'y auoir la mesme occupation que dans nostre premiere demeure, & avec le mesme fucez. Mais le Malin esprit enuieux du bien que la grace de Dieu y operoit, fit faire tous les iours des Iongeries diaboliques tout proche de nostre Chapelle, pour la guerison d'une femme malade: ce n'estoient que dances supersticieuses, que mascarades [69] hideuses, que clameurs horribles, & mille fortes de fingeries. Je ne laissois pas de l'aller voir tous les iours, & pour l'attirer avec douceur, ie luy faisois present de quelques raisins. Enfin les forciers ayants déclaré que son ame estoit partie, & qu'il n'en esperoient plus rien, ie l'allay voir le lendemain, & luy dis que cela n'estoit pas vray, & que mesme si elle